



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

**Komisija za finansije i budžet**

Broj: 01/4-011-235/02

Sarajevo, 11. marta 2002. godine.

**Z A P I S N I K**

**sa 27. sjednice Komisije za finansije i budžet Predstavničkog doma  
Parlamentarne skupštine Bosne i Hercegovine,  
održane 11. marta 2002. godine**

Sjednica je počela u 13 sati.

Sjednicom je predsjedavala Emina Začiragić, predsjedavajući Komisije. Sjednici su prisustvovali: Ramiz Vilić, Salih Kulenović, Dragi Stanimirović, Tihomir Gligorić. Ljubomir Kovačević, Boro Bjelobrč, Zdenko Vukić i Mirko Baković.

Sjednici nisu prisustvovali: Tihomir Gligorić. Ljubomir Kovačević i Mirko Baković.

Ispred predlagača zakona sjednici su prisustvovali: Anto Domazet, ministar i Muharem Imamović, zamjenik ministra u Ministarstvu za trezor institucija BiH.

Sjednici su prisustvovali Vinko Dugonjić savjetnik u Ministarstvu za evropske integracije i Mustafa Ovčina, načelnik opšte službe Državne ganične službe BiH.

Za sjednicu Komisije je predložen i usvojen sljedeći

**D N E V N I R E D**

1. Razmatranje Prijedloga zakona o namjeni i korištenju imovine koju BiH dobiva po Sporazumu o pitanjima sukcesije bivše SFRJ sa amandmanima
2. Nastavak razmatranja Izvještaja o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska prava i izbjeglice, Ministarstva za evropske integracije, Ustavnog suda BiH, Regulativne agencije za telekomunikacije - podnošenje pojedinačnih izvještaja izjavitelja
3. Tekuća pitanja.

Ad-1

**Razmatranje Prijedloga zakona o namjeni i korištenju imovine koju BiH dobiva po Sporazumu o pitanjima sukcesije bivše SFRJ sa amandmanima**

Prijedlog zakona o namjeni i korištenju imovine koju Bosne i Hercegovina dobiva po Sporazumu o pitanjima sukcesije bivše SFRJ Vijeće ministara BiH dostavilo je u parlamentarnu proceduru 01.02.2002. godine s prijedlogom da se razmatra po hitnom postupku.

Predstavnički dom na 20. sjednici održanoj 12.2.2002. godine prihvatio je razloge hitnosti predlagača zakona i odlučio da Zakon na osnovu člana 104. Poslovnika razmatra po hitnom postupku.

Na početku sjednice predsjedavajući Komisije je obrazložila da se radi o novom tekstu Zakona predloženog od strane Vijeća ministra i da se s tim u vezi ponovo raspravlja i glasa o principima predloženog Zakona.

Postupak u Komisiji počeo je općom raspravom o principima Zakona koji su prihvaćeni većinom glasova.

Nakon obavljene opće rasprave i glasanja o principima Zakona Komisija se nastavila raspravu o predloženim amandmanima od strane: Abdurahmana Malkića, Kluba PDP, SNSD, DSP, SNS, SPRS i grupe poslanika: Bore Bjelobrka, Emine Začiragić, Dragi Stanimirovića, Zdenka Vukića i Ramiza Vilića.

Komisija je razmatrala i usvojila (sa 5 glasova za) amandman Abdurahmana Malkića, koji glasi:

**Amandman I**

**Naziv Zakona mijenja se i glasi:**

**“ Zakon o namjeni i korištenju dijela finansijske imovine koju Bosne i Hercegovina dobija po Sporazumu o pitanjima sukcesije bivše SFRJ”**

Komisija je iz amandmana naziva Zakona izostavila iza riječi “finansijskih” riječi “potraživanja i” iz razloga što potraživanja podrazumjevaju svu finansijsku imovinu, te je riječ potraživanja nepotrebna u nazivu.

**Amandman II** Komisija nije usvojila (sa 5 glasova protiv), koji glasi:

“ učlanu 5. izvršiti izmjene –preraspodjelu kako slijedi:

3. Za razvojne projekte na kreditnoj osnovi.....-....	78.042.455,92 KM
4. Pokriće troškova sukcesije za naredne aktivnosti....	400.000,00 KM
6. Jednokratni prjekti na nivou inst BiH .....	5.000.000,00 KM
7. Podrška Budžetima FBiH i RS	
omjeru 1:2 ( penz.i inval.) .....	30.000.000,00KM”

### Amandman III

Predložen na član 3. stav 2. i 3. od strane Kluba PDP, SNSD, DSP, SNS, SPRS

U osnovi je prihvaćen uz dodatne amandmane grupe poslanika i uz saglasnost predlagača, koji glasi:

**U članu 3. stav 2.** iznos od "151.513.737,92 KM," zamjenjuje se iznosom od "154.780.061,33 KM;"

**Stav 3.** mijenja se i glasi:

Strukturu vrijednosti sredstava sukcesije iz prethodnog stava čine:

1. Novac kod Centralne banke Bosne i Hercegovine.....	8.823.992,95 KM (26.02.2002.)
2. Novac od prodaje zlata.....	119.126.938,38 KM (26.02.2002.)
3. Dionice Bosne i Hercegovine u Banci za međunarodna poravnanja u Bazelu .....	26.829.130,00 KM (26.02.2002.)

**U K U P N O      154.780.061,33 KM**

U istom članu **stav 4.** mijenja se i glasi:

" Sredstva sukcesije iz prethodnog stava vodiće se do konačne upotrebe, po namjeni iz ovog zakona, na odgovarajućim računima Centralne banke Bosne i Hercegovine ( u daljem tekstu: Centralna banka) i tretiraće se do konačne upotrebe kao njena vanbilansna rezerva."

Predložene amandmane na stav 2. i 3 Komisija je usvojila jer se oni odnose samo na preciziranje novčanih iznosa na dan 26.02.2002.godine.

U tekstu prijedloga Zakona stava 4. predviđeno je da će se samo sredstva ostvarena prodajom zlata voditi na odgovarajućem računu Centralne banke BiH i tako ostati do konačne upotrebe kao njena vanbilansna rezerva.

Predloženim amandmanom želi se postići ista pozicija za preostala novčana sredstva kao kod sredstava ostvarenih prodajom zlata.

**Amandman IV,** (Komisija nije usvojila sa 5 glasova protiv)

**Amandman V**(Komisija nije usvojila sa 5 glasova protiv)

**Amandman VI**( Komisija nije usvojila sa 5 glasova protiv)

**Amandman VII i VIII IX, X i XI** Komisija nije usvojila( sa 5 glasova protiv) uz obrazloženje da je tekst na Amandman IV ranije usvojen koji se sada predlaže brisati, Amandmanom VIII oduzelo bi se pravo Vijeću ministara ono što mu je dato članom 7.2.. Amandmanom IX bi se promijenili principi odlučivanja Vijeća ministara; a Amandm X upućuje sa na član 3. Zakona jer ne postoji nikakav Ugovor između Vijeća ministara i Centralne banke BiH.

**PRILOG ZAPISNIKU: Amandmani Kluba PDP, SNSD, DSP, SNS, SPRS**

## Amandman IV

**U članu 5. tačka 1.** iznos od "25.462.745,00 KM" mijenja se u iznos "26.829.130,00 KM",

**U članu 5. tačka 3.** iznos od "52.742.455,92,00 KM" mijenja se u iznos "54.642.494,33 KM",

**Ukupan iznos** sredstava sukcesije u članu 5. koji iznosi" 151.523.737,92 KM" mijenja se u iznos " **U k u p n o 154.780.061,33 KM**"

Usvajanjem amandmana III iskazane cifre imale su za cilj da se precizno odrede cifre po osnovima iz člana 3. stav 3. u članu 5. tačka 1 i 3.

## Amandman V

Komisija je usvojila većinom glasova

**Član 6.** mijenja se i glasi:

" U slučaju promjene kursa strane valute u kojima se vode sredstva sukcesije i za prirast kamata i dividendi, efekti razlika će se pripisati tački 1. i 3. člana 5."

Predloženim amandmanom cilj je da se prihodi od kamata na novčana sredstva usmjere prema iznosima na koje su ostvarene kamate i da se deponuju na isti način.

Komisija je mišljenja da je neophodno donošenje Zakona o namjeni i korištenju imovine koju Bosna i Hercegovina dobiva po Sporazumu o pitanjima sukcesije bivše SFRJ i predlaže Predstavničkom domu da usvoji Zakon sa amnadmanima.

## Ad-2

**Nastavak razmatranja Izvještaja o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska prava i izbjeglice, Ministarstva za evropske integracije, Ustavnog suda BiH,Regulativne agencije ta telekomunikacije – podnošenje pojedinačnih Izvještaja Izvjestitelja**

Pojedinačne Izvještaje po ovoj tački podnijeli su: Ljubomir Kovačević, Dragi Stanimirović, Salih Kulenović, Boro Bjelobrk, Emina Zaćiragić, Zdenko Vukić .

Dodatne informacije i odgovore na postavljena pitanja Saliha Kulenovića i Dragi Stanimirovića po obavljenoj reviziji finansijskog poslovanja za 2000. godinu u Državnoj graničnoj službi BiH i Ministarstvu za evropske integracije dali su Mustafa Ovčina i Vinko Dugonjić.

Predloženo je da se zakaže sjednica na koju bi se pozvao ministar za ljudska prava i izbjeglice radi obavljanja razgovora pred Komisijom po Izveštaju izvršene revizije u 2000.godini Ministarstvu za ljudska prava i izbjeglice.

### **Ad-3.**

Zaključeno je da se od predlagača zakona traži da obrazloženja, koja dostavljaju uz Zakone, preciziraju saglasno članu 82.2. Poslovnika Predstavničkog odma.

Također ja predloženo, imajući u vidu da poslove sekretara od kraja novembra 2001. godine tačnije od 23. sjednice do sada obavlja Emira Češljarić, sekretar Komisije za vanjsku trgovinu i carine u Predstavničkom domu uputi dopis sekretaru Doma u pravcu određivanja naknade radi povećenog obima poslova u skladu sa odredbama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine BiH..

Sjednica je prekinula rad u 17:15.

Dogovoreno je da se nastavak sjednice održi u petak 15.marta 2002. sa početkom u 9 sati.

### **Nastavak 27. sjednice sjednice Komisije za finansije i budžet Predstavničkog doma Parlamentarne skupštine Bosne i Hercegovine, održane 15. marta 2002.godine**

Sjednica je počla u 9 sati.

Sjednicom je predsjedavala Emina Začiragić, predsjedavajući Komisije. Sjednici su prisustvovali: Ramiz Vilić, Dragi Stanimirović, Tihomir Gligorić. Ljubomir Kovačević.

Sjednici opravdano nisu prisustvovali: Mirko Baković, Zdenko Vukić, Boro Bjelobrki i Salih Kulenović.

Za nastavak sjednice je predložen i usvojen sljedeći

### **D N E V N I R E D**

1. Razmatranje Prijedloga zakona o namjeni i korištenju imovine koju BiH dobiva po Sporazumu o pitanjima sukcesije bivše SFRJ sa amandmanima i upoznavanje sa Izveštajem

2. Nastavak razmatranja Izveštaja o obavljenoj reviziji za 2000. godinu: Državne granične službe BiH, Ministarstva za trezor institucija BiH, Ministarstva za ljudska prava i izbjeglice, Ministarstva za evropske integracije, Ustavnog suda BiH,Regulativne agencije za telekomunikacije - podnošenje pojedinačnih izvještaja izjavitelja i sublimiranje izvještaja za Predstavnički dom

3. Tekuća pitanja.

#### Ad-1

### **Razmatranje Prijedloga zakona o namjeni i korištenju imovine koju BiH dobiva po Sporazumu o pitanjima sukcesije bivše SFRJ sa amandmanima i upoznavanje sa Izvještajem**

Predsjedavajući komisije je upoznala prisutne da je sačinjeni Izvještaj po ovoj tački obuhvatio amandmane koji su razmatrani i usvojeni 11. marta 2002. godine.

Komisija je jednoglasno mišljenja da se Izvještaj sa usvojenim amandmanima dostavi Predstavničkom domu s prijedlogom da usvoje Zakon o namjeni i korištenju imovine koju BiH dobiva po Sporazumu o pitanjima sukcesije bivše SFRJ sa amandmanima.

#### Ad-2


Članovi Komisije su se saglasili da se ispred pojedinačnih Izvještaja napiše uvodni dio zajednički na Izvještaj Ureda za reviziju institucija BiH izvršenih u 2000. godini za navedenih šest subjekata. Prilog uvodnom dijelu bili bi pojedinačni izvještaji za: Državnu graničnu službu BiH, Ministarstvo za trezor institucija BiH, Ministarstvo za ljudska prava i izbjeglice, Ministarstvo za evropske integracije, Ustavni sud BiH i Regulativnu agenciju za telekomunikacije, sačinjeni u skladu sa planom rada Komisije koji je ranije prihvaćen.

Konstatovano je da je Izvještaj Ustavnog suda, DGS BiH Ministarstva za trezor institucija BiH, Ministarstva za evropske integracije kompletiran i da su u međuvremenu otklonjeni propusti, primjedbe i nedostaci.

Izvještaji za Ministarstvo za ljudska prava i izbjeglice i Regulatornu agenciju za telekomunikacije od strane izvjestilaca treba da se finaliziraju, a na narednoj sjednici Komisije sublimiraće se konačan Izvještaj koji će se dostaviti Predstavničkom domu na razmatranje.

Sjednica je završila u 9:45.

Zapisnik sačinila  
Emira Češljarić



Predsjedavajući Komisije  
Emina Začiragić

